

---

**MINISTERUL EDUCAȚIEI**  
**OLIMPIADA NAȚIONALĂ DE LIMBA RROMANI**  
**ETAPA JUDEȚEANĂ**  
**18 MARTIE 2023**  
**ANUL III DE STUDIU - GIMNAZIU**

- Savorre subijektură si musajutne.
- Den pen ivăthe 10 pùnttură.
- E butăqo vaxt si 3 òre.

---

**O JEKHTO SUBIJÈKTO**

**32 pùnttură**

---

**DEL PES O TÈKSTO**

Me sem i Alina thaj kamav te vakărav tumenqe palal jekh godăver zivutro. La mamă si la jekh daj-kaxni deşe kaxnörrença. Kamavas te khelav man kadale kaxnörănça, tha` i daj kaxni na mukhel man. Kana zav karing lenthe, i kaxni phukhărel pesqe pora, başel ruşli. Te kamavas te „corav” laðar jekhe tiknorres – xutelas manthe. E mamăqi kaxni griżisarel zoralas pesqe kaxnörrenðar. Sa o dïves rodel le tiknenqe lache xabena.

Daraðar, nijekh aver kaxni andar i bar na beşel paşal e kaxnörřă kana xan. I mămî phendăs kaj na sas la nijekhvar jekh daj-kaxni kaj te griżisarel pesqe tiknenðar sar kadaja.

Kana kerdöl pes răt, i kaxni astarel e éokoça e mamăqi fista thaj i mămî zanel so si i vrăma te putarel o udar te aven e kaxnorřă andre te soven. I daj-kaxni zal paşal o bov, kothe kaj i mămî anglekerel lenqe e ratăqo xaben.

And-jekh palomezimèri, me thaj i mămî gelăm k-e nişte nămură and-o gav.

– Marinea! akhardăs i mămî le papos. Te na bistres te putares o udar te şaj te avel i kaxni andre! Xatărdăn, Marinea?

– Xatărdem, phenel o păpos sovalo. Sar te bistarav? Żan... na avela khanć tumare kaxnăça...

Kana areslăm palpale khere, râte – i kaxni na sas khanikaj. O păpos sovdăs anglal te soven e kaxnă. I corri mămî! Na maj dikhlem la te avel kadja ruşli. Maj but căsură rodăm and-i bar, p-o drom, savorre thanesðe. Ivăthe.

Palal but vrăma gelăm te sovas and-i livni. Xurăvdăm amen and-e sovipnasqe gada, kerdăm amenqe truşul thaj kamlăm te éhas amen and-o sovthan. Andar jekh, aşundăm nişte başa. I mămî vazdăs o parind. Dikhłăm o şero e kaxnăqo.

– Klunk-klunk! kerdăs voj loşali.

– Vaj manðar! mardăs i mămî andar e vasta. Te dikhes kaj garavdăs pes! Godăver kaxnie! Sar şaj uklile e şopnă e kaxnörřă? Na xakărav!

Texarinăðe, i kuć daj-kaxni thaj pesqe deş kaxnörřă beşenas godăver paşal o udar, aţukărimdoj te uştel i mămî te mukhel len avri.

– Klunk, klunk, klunk, na keren lărma! phenelas voj pesqe tiknorrenqe. Na maj si but! Uştel i mămî... maj si jekh cîra. Maj mukhen la te sovel!

*(E mamăqi daj-kaxni, palal i Noemi Kordovan)*

- 
1. Xramosaren savo si o titulo, o autòro thaj e personàžură andar o dino tèksto!  
**6 pùnkturnă**
  2. Arakhen e mamujutne alava/ antonimură vaş e alava: *tiknorro, răt, cira, éorro*.  
**4 pùnkturnă**
  3. Roden thaj xramosaren, andar dino tèksto, trin navnă/ substantivură! Xramosaren savo si lenqo gendero/ ling.  
**6 pùnkturnă**
  4. Roden thaj xramosaren, andar o dino tèksto, ştar alava kerde andar trin silăbe! **4 pùnkturnă**
  5. Roden thaj xramosaren, andar o dino tèksto, trin pašnavnă/ adjektivură! Xramosaren save substantivură determinisaren von.  
**6 pùnkturnă**
  6. Roden thaj xramosaren, andar o dino tèksto, trin kernavnă/ vèrbură save si ka-o akanutno vaxt.  
**6 pùnkturnă**

---

**O DUJTO SUBIJÈKTO** **58 pùnkturnă**

1. Ambolden gazikanes e anglutne trin alineătură andar tèksto dino maj opre! **20 pùnkturnă**
2. Nakhaven e kernavnă/ e vèrbură „*zal – a merge*” thaj „*si – a avea*” ka-o akanutno vaxt!  
**12 pùnkturnă**
3. Ambolden and-i rromani éhib!  
**16 pùnkturnă**
  - a) Sunt bucuros că am ajuns cu bine în vechiul şi frumosul oraş Cluj-Napoca.
  - b) Olimpiada Judeţeană de Limba Rromani se ţine sâmbătă, 18 martie 2023.
  - c) Familia mea acordă o importanţă mare educaţiei noastre.
  - d) Am învăţat foarte mult din această carte, dar şi din alte cărţi de limba rromani.
4. Keren jekh xramosaripen, and-e 10-15 rëndură, palal i tème: „So kamav te kerav palal so agorisarav i oxtoto klăsa?” And-o tumaro xramosaripen dikhena: .  
**10 pùnkturnă**

**O ander/ o koncinùto le xramosaripnasqo – 6 pùnkturnă**

- xramosares palal tiri akanutni edukacionălo situàcia **2 pùnkturnă**
- sikaves ke savo licèvo kames te zas **2 pùnkturnă**
- kon d-àşti te vastdel tut kaj te ingeres maj dur tire stùdie **2 pùnkturnă**

**O organizisaripen thaj o prezentisaripen e godănqo – 2 pùnkturnă**

- o organizisaripen e godănqo – 1 pùnkto
- i originalitèta -1 pùnkto

**E xramosaripnasqi redaktàcia – 2 pùnkturnă**

- vaş e vortografiaqe règule – 1 pùnkto
- vaş e puntuaciaqe règule – 1 pùnkto